

DE LEGA-  
TIONIBVS CAPITV  
LA TRIA D. CONRADI BRV-  
ni Iureconsulti, Excerpta è Li-  
bro eius Secundo. Cap.

IX. X. Et

XI.

*vbi agerentur.*

- I. De iustitia Legatorum.
- II. De fortitudine & con-  
stantia Legatorum.
- III. De continentia Legato-  
rum.

M. D. XLVIII.

APVD S. VICTOREM MO-  
guntie per Franciscum Behem  
Typographum.

REVEREN  
DISSIMO IN CHRI-  
STO P[ATR]I, ATQ[UE] PISSI-  
mo Principi ac Domino, Domino IOHAN-  
NI à Maltitz, Episcopo Misnensi. Domino  
suo Gratioſo ac Hæreditario.

S. P. D.

**R**Euerendissime in Christo Pater,  
Præſul & Princeps ornatisime.  
Quum acquifuerit mihi preciosissimum recens elucubratorum,  
& antea nunquam æditorum uo-  
luminum theſaurū, officioso labore ac studio ſuo,  
pius & erga me multum beneficus, affinis meus,  
D. Iohannes Cochleus: artium ac ſacré Theolo-  
gia Magisterio inſignitus: uifum eſt mihi admo-  
dum & equum & honestum, ut p[re] omnibus  
alij Patronis ac Benefactoribus meis, R. D.  
tue, tanquam Hæreditario Domino meo, Primi-  
tias future in lucem editionis iſtius theſauri. fœ-  
lici(ut ſpero)auſpicio dedicem. Quandoquidem  
primam mortalitatis huius uitæ lucem, natus in hunc  
mundum. Dipofaldi, in Misnensis provincie op-  
pido (quod paterno ac hæreditario iure ad tuam  
& Nobilis atq[ue] inſlyti uiri HENRICI à Mal-

A 2 titz

E P I S T O L A

titz fratis tui Iurisdictionē hæreditatemq; per-  
tinet) accepi. Quare suppliciter oro, ut R.D. tua  
clementer & gratiōse in bonam partem accipi-  
at hanc meā deuotionem & operam, quam na-  
tivo iure ac desiderio in R.D. tua nomen & me-  
moriām impendo, ut ex celebri nomine & am-  
plissima dignitate tua, & patria meā (qua te  
quog; genuit mibi q; hæreditatis iure Dominum  
constituit) honorem recipiat, & ego multis hac  
editione notum faciam, atq; etiam apud posteros  
contester, qualem mīhi Deus & natura Dominiū  
dederint, quem ingenito amore ac reuerentia  
prosequi in perpetuū desidero. Nec dubito, hanc  
deuotionem et animi gratitudinem erga te meā  
non ingratam fore ipsi Autori, Clariſ. & Do-  
ctiſ. uiro, D. C O N R A D O B R V N O, I.  
V. Doctori, Cancellario Landeshutensi, qui non  
uulgari amore ac amicitia R. D. tua iuncius ac  
familiariter notus est. Accedit & ea ratio, quod  
hoc in libello pulchra sit mentio de sacris quoq;  
Legationib; De quibus Apostelius ad Corin-  
thios, Pro Christo (inquit) Legatione fungimur,  
tanquam Deo exhortante per nos, Obsecramus  
pro Christo, reconciliamini Deo. Huiusmodi au-  
tem Legatione funguntur in Ecclesia præcipue  
Episcopi, quorum summus est sacerdotij gradus.

Quare

D E D I C A T O R I A.

Quare pre alijs omib; merito dedicatur libel-  
lus iste Amplissimae Dignitati tuae, Totum namq;  
opus Quinque Librorum de Legationibus, ob  
temporis breuitatem nunc ædi nos potuit, prop-  
ter instantem Francfordie in hac Quadragesima  
mercatum. Bene ualeat R.D. tua Piissime Praeful  
& Princeps. Ex officina mea Die IX.

Martij. Anno Domini M. D.

X L V I I I .

R. D. T.

Perpetuō deuotus & ad-  
dictus

Franciscus Behem  
Typographus.

A 3

ARGUMENTVM  
SVMMARIVM. D. CONRADI  
Bruni de Legionibus  
Libri Quinque.

- I. De personis eorum qui mittunt Legatos, deque mandatis & rebus Legationum.
- II. De personis eorum, qui Legati mittuntur, de scientia item & uirtutibus Legatorum.
- III. De officijs Legatorum.
- III. De Priuilegijs & immunitatibus Legatorum.
- V. De personis eorum, ad quos mittuntur Legati, & de officio eorum in suscipiendis dimittendisque Legionibus.

CAPITA PRIMI  
LIBRI.

- I. Sermonem hominibus hum  
manx

ARGUMENTVM.

manx societatis conseruandæ causa datum esse. Deque uario tam inter præsentes quam absentes sermonis usu.

II. Non omnia tuto per literas & scripta, sed quedam per fidos homines cōmodius transigi inter absentes.

III. Varia esse genera personarum, quarū ministerio absentes cum absentibus utimur.

III. Quid sit Legatio.

V. Legationem sine missione & mandatis esse non posse.

VI. De qualitate & conditio  
ne personarum, quæ Legationes mittunt.

VII. Sorte ne an electione,  
& quo ordine dādi sint Legati.

A iiiij De

ARGUMENTVM.

- VIII. De mandatis Legatorum.  
IX. De duobus generibus Mandatorum, quæ Legatis dantur.  
X. Mandata Legatorum, literis tantum, non etiam testibus probari.  
XI. De mandatis, instruētib⁹, literis commendatijs, & ijs quas uocant Credentiæ.  
XII. De occultis mandatis.  
XIII. Quarum rerum sit Legatio.  
XIV. De Legatione libera.
- CAPITA LIBRI II.
- I. De personis corū qui mituntur, quos Legatos & oratores uocamus. Et de uarijs generibus eorum.

Quæ

ARGUMENTVM.

- II. Quæ personæ Legationibus, & quibus ex causis fungi non possunt.  
III. De personis, quas propter statum et conditionem, non quidem in totum, sed à certis personis ad certas & in rebus certis, Legationibus fungi non conuenit.  
IV. De scientia Legatorū.  
V. De prudentia, et ad res agendas industria, solertia & sagacitate Legatorum.  
VI. De experientia Legatorum, senioresq; iunioribus in Legationibus esse preferēdos.  
VII. De eloquentia Legatorum.  
VIII. De interpretibus Legatorum.

A v De

ARGUMENTVM.

- IX. De iustitia Legatorum.  
X. De fortitudine & constantia Legatorum.  
XI. De continentia Legatorum.  
XII. De modestia Legatorum.  
XIII. De gratia Legatorum.  
XIV. Multi ne an pauci, & quot numero Legati super unammittendi sint.  
XV. De comitibus Legatorū.  
**CAPITA LIBRI III.**  
I. De officio Legatorum à sua ipsorum persona sumpto.  
II. De officio à Legatis reddendo ijs à quibus mittuntur.  
III. De officio Legatorum ijs ad quos mittuntur prestanda.  
IV. Ad officium Legati pertinere

ARGUMENTVM.

- tinere, ut mandata diligenter bonaq; fide conficiat.  
V. De officio Legatorum quibus iurisdictio mandata est.  
VI. De officio Legatorum in his quæ ad cognitionem rerum sacrarum pertinent.  
VII. De officio Legatorum, quæ à prophana iurisdictione ducuntur.  
VIII. De officio Legatorum belllicorum, quod in earum rerum cognitione uersatur, quæ ante bellum geruntur.  
IX. De iurisdictione, quam Legati bellici, in ipsa belli administratione & post bellum confessum exercent.  
X. De foederibus & pace.  
XI. De officio Legatorum

ARGUMENTVM.

in paciscendis fœderibus & fa-  
cienda pace.

XII. De officio Legatorum  
in consultando.

XIII. De officio Legatorum  
in his quæ ad meram executio-  
nem pertinent, ac inibi de ua-  
rijs cæremonijs & ritibus indi-  
cendorum bellorum, ac percu-  
tiendorum fœderum.

XIII. De matrimonij & spon-  
salibus, quæ per Legatos con-  
trahuntur.

XV. Quo ordine & proce-  
su Legationes rite administren-  
tur.

CAPITA LIBRI IIII.

I. De iure non uiolando-  
rum Legatorum.

II. De poenis eorum, qui  
Legatos

ARGUMENTVM.

Legatos contra ius gentium  
uiolant.

III. Injuriam Legatis con-  
tra ius gentium illatam, etiam  
ij qui eos mittunt, vindicare de-  
bent.

IV. Ius non uiolandorum  
Legatorum, ijs tantum seruan-  
dum esse, qui honeste in Lega-  
tione uersantur.

V. De immunitatibus Le-  
gatorum.

VI. Legati an munera ab  
ijs ad quos mittuntur, accipere  
possint.

VII. De salarijs Legatorū.

CAPITA LIBRI V.

I. De personis corum ad  
quos mittuntur Legati, deq; ea-  
rum conditione & qualitate.

De

ARGUMENTVM.

- II. De eorum, ad quos mittuntur Legati, circa Legiones authoritate.  
III. De concilijs publicis & uarijs generibus eorum,  
III. De personis concilio-  
rum tam sacrorum quam pro-  
phanorum.  
V. De authoritate conci-  
liorum.  
VI. De admissione Legato-  
rum, & quomodo ab iis ad  
quos mittuntur, excipiendi sint  
& tractandi.  
VII. De dando Legatis con-  
filio & audientia, deq[ue] loco &  
tempore ipsorum.  
VIII. De uocatione Legato-  
rum in concilium, & de sessio-  
ne ipsorum.

De

ARGUMENTVM.

- IX. De ritu & ordine audiendarum Legionū, ac pri-  
mum de audiendis postulatis  
Legatorum.  
X. De rogandis sententijs  
audiendisq[ue] suffragijs Legato-  
rum in concilijs publicis.  
XI. De dimittendis Lega-  
tionibus.  
XII. De his qui cognitionem  
postulatorum & controversia-  
rum ad alios reiçiunt.  
XIII. De postulatis Legato-  
rum & uarijs generibus Re-  
sponsorum.  
XIV. Oportere eos, ad quos  
Legationes mittuntur, in dan-  
dis responsis iustitiae dignita-  
tisq[ue] suæ rationem habere.  
XV. De forma responsorum.

De

ARGUMENTVM.

XVI. De decretis publico-  
rum conciliorum.

XVII. De subsignationibus  
atqe subscriptionibus Decreto-  
rum.

XVIII. Quae sint presidenti-  
um partes, si maioris partis sen-  
tentia, contra minore, sed ean-  
dem tamen potiorem & sanio-  
reni, praeualuerit: aut minor  
pars maioris partis Legitimo  
decreto parere noluerit.

XIX. De decretis eorum, qui  
de rebus ad concilium delatis,  
soli decernendi definiendiqe po-  
testatem habent.

XX. De profectione Lega-  
torum.

XXI. Quales in accipicndis  
muneribus & honoribus esse  
debeant

ARGUMENTVM.

debeantij ad quos mittuntur  
Legati.

XXII. De renunciatione Le-  
gationum.

Summa omnium capitu-  
lorum 73.

A V T H O-  
R E S, Q V I B V S I N  
H I S L I B R I S D E L E G A-  
T I O N I B U S U S I S U-  
M I U S.

THEOLOGI. Leo Pontifex.  
Origenes. Gregorius Papa.  
Ioan. Chrysost. Bernhardus.  
Grego. Nazian. Io: Gerson.  
Cyprianus. PHILOSOPHI.  
Hieronymus. Plato.  
Augustinus.] Aristoteles.  
B Xeno,

Xenophon. Anton. Corseti.  
Cicero. Azo.  
Plutarchus. Accursius.  
Seneca. Cynus.  
Strabo. Dynus.  
Hipocrates. Io. Fasiolus.  
Galenus. Angelus.  
Plinius. Barholus.  
Solinus. Baldus.  
Macrobius. Paulus de Castro.  
Quintilianus. Oldradus.  
Budaeus. Salicetus.  
Pet. Crinitus. Io: de platea.  
Erasmus Roter. Lucas de Pena.  
IVRECONSULTI. Ludouicus Rom.  
Io. Andreæ. Præposit. Alexan.  
Archidiaconus. Aluarotus.  
Innocentius. Andre: de Ifernæ.  
Speculator. Alexander.  
Abb: Panormita. Iason.  
Felinus. Bertachius.  
Dom. de S. Gemi. Hippol. de Mars.  
Philip. de frâchis. Petrus Rauennas.  
Zabarella. Decisiôes cappel.  
A. Barbacia. Tholosanæ.

M. An-

M. Antonius Ba/T. Luius.  
nerius. Cornel. Tacitus.  
Alciatus. Salustius.  
Socinus. Cæsar.  
Decius. Plinius.  
HISTORICI. Suetonius.  
Eusebius. Fenestella.  
Tripartita. Q. Curtius.  
Theoderitus. A. Gellius.  
Josephus. L. Florus.  
Egesippus. Val. Maximus.  
Thucidides. Iustinus.  
Herodotus. Ael: Spartianus.  
Herodianus. Lampridius.  
Appianus. Iul. Capitolinus.  
Dionysius. Fl: Vopiscus.  
Hallicarnasseus. Sex. Aur. Victor.  
Plutarchus. Eutropius.  
Diodor. Siculus. Paulus Orosius.  
Philostratus. Paulus Diaconus.  
Dioge. Laertius. Iornandes.  
Procopius. Platvna.  
Arrianus. Abb: Vrspergen.  
Ruffinus. Otto Frisingensis.  
Nicephorus. Anto. Sabellicus.

B ij Petrus

	POETAE.
Petrus Martyr.	
Annonius Mo <sup>n</sup> nachus.	Homerus.
Agathius.	Virgilius.
Antonius Bonis finius.	Plautus.
	Terentius.
	Ouidius.
	Horatius.

# DE LEGA<sup>TIONIBVS LIBER</sup>

II. D. CONRADI BRVNI IV<sup>o</sup>  
reconsulti. De iustitia Legatorum. Cap.  
IX.



Ost scientiā sequitur, ut de uirtute morali dicamus: quae fuit altera illa qualitas, quam in Legato consyderandā esse supra  
admo

## DE IUSTITIA LEGA. CAP. IX.

admonuimus. Neq; cñim satis est, doctum, prudentem, exper-<sup>Vt Lega</sup>  
tus sit uirtutum, & dicendi facultate prædi<sup>bonus.</sup>  
tum esse Legatū, sed in eo ani-  
mi quoq; uirtutes exigimus, ut  
sit idē iustus, fortis, temperans,  
& (ut uno uerbo dicam) uir bo-  
nus. Nam qui prauis est, quan-  
to magis scientia, & multarum  
rerum cognitione, & experien-  
tia excellit: tanto magis inge-  
nio fretus, malicia in omnibus  
tam priuatis quam publicis a-  
ctionibus nocere potest.

C Est autem uirtus (ut Ci-<sup>Cic. Lib. 2</sup>  
cero diffinit) animi habitus na-<sup>de inuen-</sup>  
turæ moderationi consentane-<sup>tione.</sup>  
us, siue quo honesta facimus, <sup>Partes uir-</sup>  
turia uitamus. Cicero huius <sup>tutis Mo-</sup>  
partes quatuor constituit, Pru-<sup>ratis.</sup>  
B iij dentiam,

D. BRVNI DE LEGA. LIB. II.

dentiā, Fortitudinē, Iustitiani, & Temperantiam. Aristoteles autem uirtutem in moralem & intellectualem diuidit, & Prudentiam: sicut scientiam & artem: sub intellectiuā uirtute cōprahendit. Quamobrē & nos eam scientiæ coniunximus, & partē intellectuæ uirtutis, non moralis, (de qua hic loquimur) fecimus.

**Aristo. li.**  
**g. Eth: c.1.**  
**er. 2.**  
**Iustitia u-**  
**niversalis**  
**seu legitima**  
**ma quid**  
**est.**

Primum igitur de iustitia dicendum est. Hanc Cicero diffinit esse habitum, qui communī utilitate seruata, suā cuiq[ue] tribuat dignitatem. Aristoteles duo genera iustitiæ constituit, Alteram iustitiam totam siue uniuersalem, Alteram particularem. Vniuersalis est per quam legibus

DE IUSTITIA LEGA. CAP. IX.

bus obedimus, unde & legitima dicitur. Leges de communi honiūnum societate conseruanda, de mutuis inter se officijs præstandis, de utilitatibus communicandis, & breuiter de omnium uirtutum honestis actionibus præcipiunt. Et hæc superiorum est & inferiorum, maxime autem eorum qui magistratus & munera publica gerunt: quorum officium est, nō solum legibus obedire, sed etiam eas pro uiribus tueri. Ac propterea legitime iustitiæ opera sunt, sanctas et honestas leges condere, conditas definire, definitas execuiri curare, et omnium actiones ad communem utilitatem referre.

B iiiij Leges

D. BRVNI DE LEGA. LIB. II.

*Partes legum*  
gitimae iuris  
jusitiae.

**L**Leges uel à natura du-  
cuntur , uel consuetudine indu-  
cuntur , uel scripto proponun-  
tur . Quæ à natura profectæ  
sunt , ius naturale appellantur :  
& est , quod non opinio genuit  
sed quædā innata uis asseruit.  
*Religio.* Huius iuris sunt , Religio , quæ  
earum rerū est , quæ ad cultum  
*Pietas.* et honorem Dei pertinent . Pie-  
tas , per quam patriæ , parenti-  
bus , & sanguine coniunctis of-  
ficium & diligentem cultum tri-  
*Gratia.* buinius . Gratia , qua de nobis  
bene meritos remuneramus , &  
benefacientibus benefacimus.  
*Vindicatio.* Vindicatio , qua uim ui repellē-  
tes , nos nostraç uindicamus et  
defendimus . Observantia , qua  
homines aliqua dignitate præ-  
cellentes

DE IUSTITIA LEGA. CAP. IX.

cellentes honore dignamur . Et  
Veritas , qua ea quæ sunt , aut veritas .  
fuerunt , aut futura sunt , immu-  
tata dicuntur . Et ex hoc iure , ius L. ex hoc  
gentium deriuatur: quod fit , cum iure ff. de  
id quod leniter à natura tra-  
ctum est , maius facit usus , & ue-  
luit communis gentium appro-  
batio . Huius iuris sunt , bella , ser-  
uitutes , quæ à uindicatione tra-  
hantur : ut fidem atq; pacta ser-  
uemus , unde et contractus pro-  
ueniunt , quæ à ueritate ducun-  
tur .

**L**Quæ autem uel consue-  
tuadine inducta , uel in scripto ut  
seruentur proposita sunt , quia  
ut posita sunt , ita mutari pos-  
sunt , ius positivum dicuntur ( Ci-  
cero legem appellat : ) quæ ta-  
uum .

B v men

D. BRVNI DE LEGA. LIB. II.

men & ipsa a iustitiæ naturalis  
& uniuersalis præceptis deri-  
c. erit autem lex quæ  
tem lex 4 dicitur. Nam non est lex quæ  
non eadem sit honesta, iusta,  
possibilis, secundum naturam,  
& secundum consuetudinē pa-  
triæ, loco temporiq; conueni-  
ens, necessaria & utilis, manife-  
sta quoq; ne aliquid per obscu-  
ritatem incautum captione con-  
tineat, nullo priuato commo-  
do, sed pro communi utilitate ci-  
uium conscripta.

Quid est iustitia particularis vir-  
tus est, quæ æquitate seruata u-  
nicuiq; tribuit quod suum est.  
Id autem fit in distributionibus  
honorum, præmiorum, pecu-  
niarum, pœnarum: & commu-  
nationibus rerū, propter quod

&

DE IUSTITIA LEGA. CAP. IX.

& Aristo: huius iustitiæ duas  
partes facit, Distributiuam, que  
circa distributiones: & Commu-  
tatiuam, quæ circa contractus  
uersatur, tam earum rerū, quæ  
sponte: quam quæ clam & cum  
inuitis geruntur, ut furtum,  
adulterium.

Aristo: li.  
5, Eth. c. 2.

**C** Hac igitur uirtute etiam Legatis  
eos, qui legatione funguntur, necessaria  
præditos esse oportet, & illius est iusti-  
tia. precepta in suscepito munere di-  
ligenter custodire, id est, leges  
omnes tam diuinas & natura-  
les, quam humanas et positivas  
seruare. Est autem primum & Primū ius-  
titie præ-  
cepit pro  
Legatis.  
Deo

D. BRVNI DE LEGA. LIB. II.

Deo finiant. Quod & Christus  
præcepit.

Matth. 6.

¶ Primum, inquit, quæri-  
Coloss. 3. te Regnum Dei. Et Apostolus  
Paulus, onine quodcunq; faci-  
tis in uerbo aut in opere, omnia  
in nomine Domini nostri Iesu  
Christi facite, gratias agentes  
Deo & patri per ipsum. Et gen-  
tilibus etiā in usu fuit, ut rerum  
agendarum initium a precatio-  
nibus caperent, quod nihil sine  
Deorum ope, consilio, & hono-  
re auspicandum esse censerent.

Hæretici Ac proinde à Legationibus re-  
nō debent mouemus impios, hæreticos, &  
esse Lega schismaticos, & omnes qui Dei  
nomen & doctrinam blasphemant. Qui enim in Deum ini-  
qui sunt, quomodo hominibus

quæ

DE IVSTITIA LEGA. CAP. IX.

quæ sunt iusta præstabunt:

¶ Secundum præceptum Legatos  
est, ut & honestè uiuat, & in su-  
scepta Legatione honestè uer-  
setur. Nam ut doctus sit & pru-  
dens legatus: Tamē plurimum  
illius authoritatī, si qua turpitu-  
do uitæ illi possit obijci, detra-  
hitur. In quo genere Demosthe-  
nes, aduersus Aeschinem, et alij  
contra alios laborant. Omniū  
autem maxime, qui in sacris Le-  
gationibus uersantur, studere  
debent, ut eorum doctrinæ ipsa  
etiam uita respondeat. Nemo  
enim in Ecclesia Dei amplius  
nocet, (ut ait Canon) quā quic. Nemo  
peruersè agens nomen sacerdo-  
tis habet, hoc est, eius qui Dei. Cor. 5.  
legatione in terris fungitur. Et  
Domi-

D. BRVNI DE LEGA. LIB. II.

Dominus missurus Prophetā,  
Ezech. 2. primo iussit ut staret super pe-  
des suos, id est, ad bona opera  
surgeret, deinde iam stantī di-  
xit. Fili hominis mitto ego te ad  
filios Israēl, ad gentes Aposto-  
trices quæ recesserunt à me.

**L**egati ne-  
mini faci-  
ant iniu-  
ste autem lēdunt qui alios iniu-  
ria afficiūt. Iniuria fit quicquid  
non iure fit, ut conuictia, calum-  
niæ, iniustæ & calumniösæ ac-  
cusationes, damna iniustè alla-  
ta, furtæ, rapinæ, iniustæ captiu-  
tates, pulsationes, homicidia, &  
Peccarunt quæ sunt generis eiusdem. Itaq;  
etiam Ro. in hoc præceptum commiserunt  
Legati. Ro: Legati, qui apud Antio-  
chum Regem, per spem ineun-

dæ

DE IUSTITIA LEGA. CAP. IX.

dæ amicitiæ Hannibalem falso  
criminati sunt. Item aliij qui ad T. Liuius  
Carthaginenses sub prætextu lib. 3. de  
dirimendarū controuersiarum bell. Ma-  
ced. et Af-  
inter Masinissam Regem & stat.  
ipso missi, in occultis manda-  
tis habuerant, ut uelut accusa-  
tores calumniam in Hanniba-  
lem curarent, ac nomen eius  
deferrēt. Similiter Philippi Re-  
gis Legati è Roma redeuntes,  
qui falsis literis adulterino si-  
gno T. Quintij signatis, quibus de bello  
Demetrius filius, tanquam re-  
gnum uiuente patre ambiret, Maced. et  
Afiat. lib.  
deferebatur, Philippo redditis  
id effecerunt, ut paulo post fi-  
lium clam interfici mandaret.  
Pleminius item Romanorum T. Liuius  
Legatus, cuius rapinas, spolia, lib. 9. Se-  
cundi belli  
stupra Punici.

D. BRVNI DE LEGA. LIB. II.

stupra matronarum, raptus uirginum, sacrilegia, aliaq; multa scelera in Locrenses admissa, eorum Legati coram Ro: Senatu exposuerunt.

Veraces. **C** Quartum præceptum est, oportet ut in omnibus dictis factisq; seruare si sunt ueraces, fidemq; & pacta diligenter seruent. Est enim (ut Cicero inquit) præcipuum iustitiae fundamentum, fides, id est dictorum conuentorumq; constantia & ueritas: quam qui uiolant, non immerito iniusti appellantur. Sanitas est, inquit sapiens, fidelis Legatus, & sicut frigus niuis in die messis, qui misit illum, animam eius requiescere facit. Qui uero negocia sua credit infideli, in multa pericula

DE IVSTITIA LEGA. CAP. IX.

cula incidat necesse est, iuxta illud eiusdem sapientis. Dens puerus, tridus & pes lapsus, qui sperat super infideli in die angustiæ.

**C** In hoc igitur præceptum qui sunt peccant mendaces, à quibus maxime cauendum est. Nam (ut Sapiens ait) potior est fur, quam Eccl. 20. assiduitas mendacis. Ac pri-  
mum quidem inter mendaces numeratur, qui cum missi non sint, tamen Legationem men-  
tiuntur. Quales sunt hæretici omnes, qui se a Deo ad prædi-  
candū missos mentiuntur. Hu- Cicero in  
ius criminis Demosthenes Ae- oratore  
schinē insimulat, contra quem optimo.  
orationē falsæ Legationis scri-  
psit. Et M. Cicero Heraclidam in oratio-  
ne pro Lue negat Legationē habere, quia ne pro Lu-  
cio Flacco

**C** non

D. BRVNI DE LEGA. LIB. II.

In oratio-  
ne pro P. Pisoni obijcit, quod Legatos  
Sextio. non modo nullo Senatus con-  
sulto, sed etiam repugnante le-  
gauerit. Inter Legatos Philip-  
pi Regis ad Hannibalem mis-  
T. Livius sos, in Romana fortè præsidia  
lib. 3. Se illatos, eius Legationis Prin-  
cundi belli ceps Xenophanes mentitur, se  
Punici. à Rege suo ad amicitiam socie-  
tatemq; cum populo Ro. iungendam missum, ac mandata  
habere ad Coss: Senatum, po-  
pulumq; Romanum.

An menda  
cium excu-  
mendaces, illos etiam nume-  
fari que-  
rem, qui ad euitandam uim &  
at, quod apud ho-  
stes fit. pericula hostium, se Legatos  
esse fingunt. Nam dolus an uit-  
tus quis in hoste requirat? Quo  
sané

DE IUSTITIA LEGA. CAP. IX.

sanè nomine fortasse Hanni-  
bal excusabitur, qui Romano-  
rum insidias euitare uolens in T. Livius  
Ceroma Insula, ne nosceretur, lib. 3. de  
Tyrium se Legatum à suis dici bello Ma-  
iussit. Haud diuerso consilio Le- ced ex A.  
gati Philippi Regis (de quibus

paulo ante diximus) usi, per eo- T. Livius  
rum Principem Xenophanem lib. 3. Se  
à Rege suo se ad amicitiam so- cundi belli  
ciatemq; cum populo Roma- Punici.

no iungendā missos dixerunt,  
ac mandata ad Cons: Senatū,  
populumq; Ro: habere: Quod  
& his ipsis in præsenti non ma-  
le cessit. Nam hostes pro hospiti-  
bus habitu, tuti, & abierunt, &  
ad castra Hannibalis peruen-  
runt. Veruntamen quia & ami-  
citiam simulantes cum Roma-

Mendaciu-  
Xenopha-  
nis depræ-  
cis hensum,

C ij nis hensum,

D. BRVNI DE LEGA, LIB. II.

nis contraxerant, ac cum Hannibale postea societate iuncta, Romanis fidem se fellerunt, quam & hostibus seruare debuerunt, nihil est quod eiusmodi mendacium excusari possit.

Quod & euentus postea docuisse uidetur. Nam cum denuo una cum Hannibal Legatis in manus Romanorū incidissent, ac qui, & unde, & quo tenderet cursum, interrogati, idem demum mendaciū struxissent: Xenophane respondentē, se à Philippo Rege ad Romanos missum, ipsum sanè suosq; collegas, & alienus cultus, & habitus, & literæ Hannibalis ad Philippum, & sermo punicus prodidit; propter quod & ipsi

& eo-

DE IUSTITIA LEGA. CAP. IX.

& eorum comites captiui Romanam deportati sunt.

¶ Solent & nonnunquam Mendaci Legati, cum sua mandata expoununt, ueluti causæ suæ inseruientes mentiri: Quod Liuius liberum: nostri officiosum mendacium uocant. Cuiusmodi fuit, quo Dicearchus Aetholorū Legatus apud Antiochum Regem usus est. Is enim quo magis Regis animum ad Romanum bellum commoueret, mentionis est, & Nabim & Philippū Reges, ad rebellandum Romanis paratos esse. Sed nec tale mendacium excusandum esse puto. Nam et si uir bonus, nonnunquam in defensione bona causa, iudici auferre ueritatem

C iii posse.

T. Liuius  
lib. 5. de  
bello Ma-  
ced. et A-  
siat.

D. BRVNI DE LEGA. LIB. II.

Fab. li. 12. possit (ut Fabius inquit) & Pla-  
orat. Iust. to Rempub: administrantibus  
Plato lib. ad communem ciuitatis utilita-  
3. de Re-  
pub. tem aliquando mentiri permit-  
tat: reliquis autem a mendacijs  
abstinendū esse præcipiat: Ta-  
men etenim id accipiendū esse  
puto, quatenus sine damno &  
fraude aliorum fiat, & ab ho-  
nestatis regula non discedatur.

¶ Postremo in hoc genere  
in iustitia delinquunt Legati,  
qui mandatorum suorum fines  
nō diligenter custodiūt. Quod  
plane faciunt, qui aut Legatio-  
nem deserunt, aut negotia ali-  
ter quam mandatum est, ge-  
runt. De quibus posthac cum  
de officio Legatorum agetur,  
latius dicemus.

DE

DE FORTI  
TUDINE ET CON-  
stantia Legatorum.

Cap. X.

Ortitudo est uirtus,  
que circa pericula uer-  
satur. Que et Legatis  
sepe cum obeunda  
sint, recte & Legatum uirum  
fortem esse oportere diximus.  
Arist:eu[m] fortē appellat, qui Arist. lib.  
circa honestam mortem & om 3. Eth. ca.  
nia quæ repente eueniunt, in-  
territus est. Non igitur circa om Qui pro-  
nia pericula, sed circa ea tantū prié for-  
quæ mortem afferunt, & ean- tes dicun-  
dem pulcherrimam, quam scili- tur.  
cet in bello nimirum pulcherri-  
mo periculo opptimus, uersari  
C iiiij existi-

D. BRVNI DE LEGA. LIB. II.  
existimat. Qui autem metu op-  
probriorum, quæ à legibus in-  
feruntur, aut spe magnorū ho-  
norū, aut experientia rei mili-  
taris freti, aut ira perciti, aut ui-  
ctorię spe, aut per ignorantiam  
magna pericula impavidī ag-  
grediuntur, hos similes quidem  
fortibus, sed minime fortes esse  
contendit. Alij autem fortitudi-  
nem circa quælibet magna, ea-  
demq; honesta pericula, ac la-  
bores uersari dicunt, ac proin-  
de fortitudinem definiunt, esse  
consyderatam periculorum su-  
ceptionem & laborum perpen-  
sionem. Atq; huius partes con-  
stituunt, fidentiā, patientiam,  
& perseverantiam. Eum autem  
qui his rebus bene instruētus  
fuerit,

Cicero li.  
2. de inuen-  
tione.

DE FOR. ET CON. LEGA. CAP. X.  
fuerit, fortē appellant.

¶ Atq; horum sententiam <sup>Quis Le-</sup>  
sequuti nos quoq; fortē eum <sup>gatorū re</sup>  
Legatum appellamus, qui ma- <sup>cte fortis</sup>  
gnarum & excelsarum rerum  
legationem suscipiens, eam am-  
pla quadam & splendida ani-  
mi propositione agitat, atq; ad-  
ministrat. Tum se conjecturum  
eam cum dignitate, multum in-  
se fiduciæ certa cum spe collo-  
cat, nihilq; ob id periculorum  
laborum'ue refugit, sed animo  
forti & inuicto æquè & prospe-  
ra fert, & aduersa tolerat atq;  
sustinet, & in proposito suo fir-  
miter permanet atque perse-  
uerat.

¶ Huius uirtutis officia præ-  
stant, qui non uerentur ijs, qui  
C v xgrē

D. BRVNI DE LEGA. LIB. II.

ægrè etiam audiunt, quæ sunt uera dicere, nec si offendantur audientes formidare. Qualis inter Legatos, qui Alexandriā

T. Linius missi fuerant, M. Aemilius fuit.  
lib. 1. de bell. Ma- ced. et A- siat.

Is inter collegas natu quidem minimus, non ueritus est, duorum aliorum consensu, Philip- pum Regē adire, atq; illi, quod arma Attalo & Rhodis intulisset, tum Abydenos etiam op pugnasset, opprobrire: non ignorans id ægrè latirum Re gem, quod & Regis responsio planè testata est. Aetas (inquit) & forma, & super omnia Ro manum nomen te ferociorem facit.

¶ Q. Fabius Ro: Lega tus, unus ex ijs qui Carthaginē missi

DE FOR. ET CON. LEGA. CAP. X.

missi sunt, ad percunctandos Carthaginēs, publicone con filio Hannibal Saguntū oppu gnasset: & si id faterentur, po

T. Linius  
lib. 1. Se cundi belli  
Punici.

pulo Carthaginensi bellum in diceret: Leni quidem oratione quod mandatum erat percunctatus est, at ferociorem non solum sermone, sed etiam facto bellum indixit. Nam Pœno superbius respondente, quod par turit animus uester, aliquando pariat: sinu ex toga facto, hic inquit uobis bellum & pacem portamus.

¶ Non minore animi magnitudine atq; constantia. Cn. Pompilius à Senatu Ro. Legatus ad Antiochū missus, ut bello, quo Ptolomēum lacescebat, absti

Lucius Flor. In ep. li. 45 Iustinus lib. 34.

D. ERVNI DE LEGA. LIB. II.

abstineret, mandata conficit.  
Is enim cum Antiochus prompto animo & amicissimo uultu dexteram ei porrexisset, & (ut Iustinus refert) osculum obtulisset. (Nam coluerat inter cætis animi ros P. Pompilium Antiochus

Constans Legatus Cn. Pom-  
pilius.

Facessere interim priuatam amicitiam iubet, cum mandata patriæ intercedant, nec inuicem ei suam porrigeret uoluit, sed tabellas, Senatus Consultū S.C. tenentes tradidit. Quas ut legit Antiochus, dixit se cum amicis colloquuturum: indignatus Pompilius quod aliquam moram interposuisset, uirga solium quod insistebat, denotauit, & prius (inquit) quam hoc circulo excedas, da responsum,

quod

DE FOR. ET CON. LEGA. CAP. X.

quod Senatui referā, Adeoqz hæc asperitas animum Regis fregit, ut paritum se Senatui responderet. Certum profecto constatis animi documentum, sed quod uix temeritate careat, qua sese periculo obnoxium fecit. Nam in ea Legatione peremptus esse fertur. Cui & Senatus (ut author est Plinius) Columnam in rostris statui iussit: quanquam de C. Octauio hoc

Plinius li.

34. ca. 6.

refert Plinius: A quo tamē hoc loco erratum esse Hermolaus Barbārus testatur.

**C** Huic confine est quod uni Legatorum ad Theucam Illybell. Ac riorum Reginam missorū accidit. Hæcum Legatis ipsis que relas sociorum & uarias iniurias

ne. 4. li.  
9.

D. BRVNI DE LEGA. LIE. IL  
rias & prædas, quas ab Illyrijs  
patcentur, exponentibus re-  
spondisset, daturā se operam,  
ut nulla publice Romanis iniu-  
ria fieret: ceterū prohibere suos,  
quò minus priuatim fructum ē  
mari caperent (fecerat enim su-  
is potestate nauigandi marisq;  
latrocinium in quo scunq; finiti-  
morum excrcendi) necq; regij id  
moris esse, necq; se inhibituram.  
Tū ex Legatis minor natu, for-  
titer quidē, sed parum tempesti-  
uē, & nō sine periculo: At quo-  
niā, inquit, Romanis o Theuca  
optimus mos est, priuatas iniu-  
rias publice ulciscēdi, ita uandicq;  
iniuria affectos, dabimius operā  
dijs uolentibus, ut uel iniuita re-  
giam istam consuetudinē emen-  
des.

DE FOR. ET CON. LEGA. CAP. X.  
des. Tam feroci responso eo ira  
cundiae, cuius ille sexus impati-  
ens est, processit Theucas, ut iu-  
re gentiū neglecto miserit, qui  
Legatos à se dimissos adorti, iu-  
niorem obtruncarent.

¶ Consyderandum igitur cautela le-  
erit ante omnia Legatis, à qui-  
gatis con-  
bus, & ad quos missi sint, & syderāda,  
ut pruden-  
quo utriq; affecti sint animo: ut ter snt for-  
si qui eos miserunt formidabi-  
tes.

Ies sint ijs ad quos mittuntur,  
tum ita affecti ut iniuriarum  
tam sibi quā Legatis illatarum  
sint impatientes, easq; ulcisci  
iam parati, tum uerbis etiam  
ferocioribus uti licebit, modo  
ad tuendam dignitatem do-  
minorum suorum, non ad alien-  
nam iniuriam pertinentibus.

Sicut

D. BRRVNI DE LEGA. LIB. II.

Sicut Cornelius Ceturio, Princps Legationis ab Augusto missæ, ut peteret Augusto Consulatum, interim admotis ad urbem hostiliter legionibus, retecto sagulo ostendens gladij capulum, non dubitauit in Curia dicere, hic faciet si uos non feceritis. Sin uero periculum sit, ne irritent magis eos, apud quos dicunt, ad conandum aliquid in se atrociss: tum abstinentia erit uerbis durioribus, & talibus utendum, quibus nec offendantur ipsis qui Legatos audiunt, nec dignitas & utilitas eorum qui eos miserunt, negligatur.

¶ Fuit & Pompeij probabilis fides & constatia, qui dum Legationis officio fungeretur,

*Suetonius  
in Augus-  
sto.*

*à Gentio*

DE FOR. ET CON. LEGA. CAP. X.

¶ Gentio Rege interceptus, cū Senatus consilia prodere iubetur, ardenti lucernæ admotū digitum cremandum præbuit, eaq; patientia Regi simul et desperationem tormentis quicquam ex se cognoscendi excusit, & expetendæ Po:Ro:amicitiae magnam cupiditatem ingenerauit. Autor Val: Maximus.

*Val. Max.  
lib. 3. c. 3.*

¶ Omnia autem maxime in hoc genere uirtutis excelluerunt, qui olim Legatione Dei in terris functi sunt, Prophetæ & Apostoli. Hi nimirum mandata sua, & illa quidem nō terrena sed caelestia, & rerum non caducarum sed æternarum. Primum diuino spiritu, tum certa indubiaq; spe & fiducia agi-

*bōup*

D tati,

*Gentius  
Rex Illyri  
corū, qui  
postea fide  
uiolata ui  
et us et Ro  
mā in Tri  
umphū du  
ctus fuit,*

*Omnium  
excellen-  
tiissimi Le  
gati fue-  
runt Pro-  
phetae &  
Apostoli.*

D. BRVNI DE LEGA. LIB. II  
tati, ac deinde nullis neq; iniurijs neq; minis, neq; cruciatibus quantumlibet horrendis, ac ne morte quidem (cuius uaria genera perpessi sunt, ut gladium, ignem, cruces, ferras, dilaniationes &c.) deterriti, forti & infraicto animo confecerunt, ac in suscepta Legatione etiam usq; ad mortem, quā patientissimē tulerunt, perseverarunt.

**E**xempla **I**ntrepide*c*onstantiae  
Daniel. 3. Nam ut inter multa uel aliqua huius rei testimonia afferram. Magni certè & fortissimi, certaq; spe confidentis animi uox est, quam à socijs Danielis audiuit Rex Nabuchodonosor, Deus noster potest nos eripere de camino ignis. Quod si noluerit, notum tibi sit, o Rex,

quod

DE FOR. ET CON. LEGA. CAP. X.

quod Deos tuos non colimus. Item illa Stephani apud Iudæos. Dura ceruice, & incircumcisio corde & auribus, uos semper spiritui Sancto resistitis. Et illa Pauli ad Principem Sacerdotum. Percutiat te Deus, paries dealbate. Item alia ad Elymam Magum præsente Proconsule. O plene omni dolo et omni falacia fili Diaboli, inimice omnis iustitiae: non desinis subuertere vias Domini rectas. Item quod idem dixit. Ecce ego alligatus spiritu uado in Hierusalem, quæ in ea uentura sunt mihi ignorans, nisi quod Spiritus S. per omnes ciuitates mihi protestatur dicens, quoniam uincula & tribulationes me Hiero

D. ij solymis

D. ERVNI DE LEGA. LIB. II.  
solymis manent: sed nihil ho-  
rum uereor, nec facio animiam  
meam preciosiorem quam me,  
dummodo ego consumimē cur-  
sum meum, & ministerium uer-  
bi quod accepi a Domino Iesu,  
testificari Euangelium gratiae  
Dei. Rursus magnum tum pa-  
tientiae tum in proposito firmi-  
ter constantis animi testimoniu-  
m est, quod de Apostolis cæsis

*Acto. 5.* dicitur. Ibant gaudentes a con-  
specie conciliij, quoniam digni  
habití sunt affici cōtumelia pro  
*Act: 7.* nomine Christi. Item quod Ste-  
phanus cum lapidaretur dixit,  
Domine ne statuas illis hoc pec-

Legatio catum.

Christi      ¶ Hos autem omnes forti-  
omniū ex- tudine & patientia superauit,  
cellentissi-      huius  
ma.      am. *in*

DE FOR. ET CON. LEGA. CAP. X.

huius legationis Princeps, scr-  
uator noster Christus, qui lega-  
tione Dei patris fungens, post  
innumeras iniurias et contume-  
lias, obediens illi factus est us-  
*Phil. 2.* que ad mortem, morte autem  
crucis. Qui & quod ipse fecit,  
Apostolos suos ut imitarentur;  
antequam ea (quæ dixi) passi-  
sunt, docuit. Nam apud Mat-  
*Matt. 10.* thæum dicit. Non est discipulus  
supra magistrum, nec seruus  
supra dominum suum: sufficit  
discipulo, ut sit sicut magister ei-  
us, et seruo sicut dominus eius.  
Si patrem familiæ Beclzebub  
uocauerunt, quanto magis do-  
mesticos eius. Nihil enim oper-  
tum est, quod non reueletur: &  
occultum, quod non sciatur.

D iii Quod

D. BRVNI DE LEGA. LIB. II.

Quod uobis dico in tenebris, dicitur in lumine: & quod in aure auditum, praedicate super tecta, Et nolite timere eos qui occidunt corpus, animam autem non possunt occidere, sed potius timete eum qui potest & animam & corpus perdere in gehennam &c. Et paulo post. Nolite ergo timere. Omnis qui confitebitur me coram hominibus, confitebor & ego eum coram patre meo qui in caelis est: qui autem negaverit me coram hominibus, negabo & ego illum coram patre meo qui in caelis est &c. Item apud Iohannem. Non est seruus maior Domino suo, si me persequuti sunt, & uos persequentur. Item. Venit hora ut omnis

Iohannem  
15 et  
16.

DE FOR. ET CON. LEGA. CAP. X.

nisi qui interficit uos, arbitretur se obsequium praestare Deo. Sed haec locutus sum uobis, ut cum uenerit hora, eorum reminiscamini, quia ego dixi uobis.

**C** Omitto iam prudens innumeris, que ex Ecclesiasticis Historijs de Sanctis Dei Martiribus exempla afferre possem. Videorque mihi paucis his, quae enumerata sunt, satis qui imitantur Legati Dei Episcopi & Sacerdotes, demonstrasse.

**C** Huius autem uirtutis precepta negligunt, qui facta humilitate & amicitia, blandis uerbis, magnificis promissis, malorum rerum ostentata spe, corrupti & decepti, uel semel obitam

D iij lega-

Peccata  
Legatorum  
contra con-  
stantiam.

D. BRVNI DE LEGA. LIB. II.  
tionem deserunt, uel suscepta  
mandata prætermittunt, aut re  
missius uel negligentius quam  
ipsa causa postulat exequuntur.

Iohann. 6. ¶ Legationem deseruerunt  
discipuli, qui recesserunt à Do  
mino & abierunt retro. Ma  
gnarum rerum spci ostentatio  
nem Legati Philippi Romam  
missi, à Perseo filio corrupti, al  
terum filium Demetrium con  
tra mandatum prodiderunt.  
T. Liuius  
lib. 1. ab  
urb. Con  
dit. Blandis autem uerbis decepti  
Albanorū Legati ad Tullum  
Regem, res petitum: & si non  
redderentur bellum indicium  
missi: mandata sua remissius &  
negligentius, quam ipsa causa  
postulauit, exequuti sunt. Pri  
mum enim comiter & benign  
à Rege

FOR. ET CON. LEGA. CAP. X.

à Rege excepti. Tum celebrato  
coniuio, etiam honorati, non  
prius mandata Regi exponūt,  
quam idem Rex per Legatos  
Albanis res non redditibus  
bellum indixit. Deinde re iam  
neglecta, & illis dicendi pote  
state facta, purgando tempus  
terunt, ac se inuitos quicquam  
quod minus placeat Tullo di  
cturos, sed Imperio subigi te  
stantur, ac uix tandem manda  
ta frigide exponentes, addunt,  
res se petitum uenisse, ni redde  
rentur, bellum indicere.

¶ Ficta autem amicitia tum  
malarum rerum iniecto timore  
Alcibiades Legatos Lacedae  
moniorū circumuenit, & ne su  
scepta mandata exequerentur  
Plutar  
chus in Al  
cibiade  
Thucid.  
lib. 5. belli  
Pelopone  
siaci.

D v effecit.

D. PRVNI DE LEGA. LIB. II.

effecit. Libet historiam, quoniā pulchra est, adscribere. Hanc post Thucididem Plutarchus

*Praus Al-  
cibiadis,  
qua Lace-  
demonio-  
rum Lega  
tos circū-  
uenit.*

hoc modo narrat. Fœdere inter Athenienses & Lacedæmonios authore Nicæa iuncto, maximum me hanc gloriam Nicæa inuidet Alcibiades. Igitur dum is

contra Nicæam apud populum multa machinaretur, forte Lacedæmoniorum Legati Athenas uenerunt, gratos (utí ipsi dicebât) ac beneulos afferentes sermones. Vulgauerant enim se non modo confirmandi nuperrime istud fœdus, sed societatem etiam faciēdi (si Athenienses uelint) plenā potestatem habere. Primum igitur hi Ora-tores adeuntes Senatum, cum

graui-

DE FOR. ET CON. LEGA. CAP. X.

grauissimis uerbis exposuissent mandata, sic benigna cunctis audientibus uisa sunt, ut magnam gratiam apud Senatores, qui frequentes eo die conuererant, suæ Reipub: comparauerint. Metuens Alcibiades, ne eadem oratione auribus multitudinis blandientis, omnia sua consilia, multo tempore agita-ta, uno momēto peruerterent, argutam fallaciā machinatus, clam ad eos accessit: Comme-moratisq; prius multis amicitiae causis, quæ sibi cum Lacedæmoniis intercedebant: Deinde, quid, inquit, uiri Spartiatæ, hu-ius ciuitatis nostrorumq; homi-num mores uestras aures la-tent: An ignoratis quantū in-

subram

ter

D. BRVNI DE LEGA. LIB. II.  
ter Senatum populumq; Atheniensium intersit: hesterno dic  
cuim tam frequenti Senatu tam  
grata tamq; benigna exposui-  
stis mandata, ex templo pru-  
dentissimorū hominum men-  
tes, quæ modesta oratione fa-  
cile persuaderi solent, ut uestris  
sermonibus acquiescerent com-  
pulisti: nunc si id ad populum,  
qui temeritate & insolētia qua-  
dam loquentium uerba meti-  
tur, eundem dicendi modum  
scrubitis, in tantā superbiam  
eorum animos efferetis, ut fru-  
stra deinde à uobis, et ab ihs om-  
nibus, qui uestræ causæ fauent,  
laborandum esse uideatur. De-  
inde adhortatur, ne populum  
adeuntes sic alloquantur, ac si  
mandata

DE FOR. ET CON. LEGA. CAP. X.

mandata libera ac cum omni  
potestate permissa corum arbitri-  
o sint, ut coram Senatu pri-  
die egerant, sed hanc amplissi-  
mam authoritatem prudenti  
consilio tegant, ut Senatū dein  
de populū, minime eorum uer-  
bis elatum, in hanc societatem  
perducere sine labore possit.  
Postremo iureiurādo adactos,  
ut omnia hæc silentio compri-  
merent, dimisit. Postera die con-  
gregata concione ueniētes La-  
cedæmoniorum Legati amicissime  
ab Alcibiade rogantur, ut ea quæ uellent dicerent. Extem  
plo illi exposuerunt mandata  
remissa sanè ac frigida, longeç  
ab ea expectatione populi, &  
ea fama quæ uulgata erat alie-  
na,

Legati mē  
sere dece-  
pti, ludis-  
brio fue-  
runt tam  
Senatui  
quam po-  
pulo.

D. BRVNI DE LEGA. LIB. II.

na, summam autoritatē quam habebant tegentes, ut Alcibias consilium sequerentur. Alcibiades autem postquam illi finem dicendi fecerunt, non ut is qui Legatos fefelleret, sed tanquam dolo fallaciaq; deceptus, increpare eos cœpit, duplices, fallaces, mutabiles appellans, necq; sancti quicquam integrīq; quicquam in uerbis suis habentes. Hinc populus, illinc Senatus indignabatur, atq; hanc Legatorum uarietatē quasi quandam derisionem putabat.

¶ Quo sanè loco facile intelligimus Legatos Lacedemoniorum, si in sententia sua perseverassent, & magnā sibi laudem comparaturos, & utriq; Reipub.

DE FOR. ET CON. LEGA, CAP. X.

Reipub. perennem inter se pacem societatemq; stabilituros fuisse. Quoniam autem nimis creduli & inconstantes, a mandatis suis abduci se passi sunt, reiectis & ludibrio habitis ipsis, magnum ex ea re bellum dein de exarsit.

¶ His igitur alijsq; huius generis exemplis (quæ multa quidem adhuc enumerare possem) admoniti Legati, omnium maxime prospiciant, quibus credant, quos caueāt. Nam habent & hodie Regū & Principum aulæ suos impostores, in hoc maxime doctos & compositos, ut aduenientes Legatos uel blandis uerbis, uel magnarum rerū ostentata spe, uel malarum

Ne incaviti et nimis creduli sint Legati.

D. BRVNI DE LEGA. LIB. II.

larum iniecto timore, sub specie  
humanitatis deceptos, ab offi-  
cio abducant, eorumq; manda-  
ta elidunt: Idcirco Legatos nō  
quidem ab eorum congressio-  
ne & colloquio prohibeo, leui-  
tatem tantū & inconstantiam  
damno. Audient quidem om-  
nes, sed et omnes cauebunt, ne  
mini fident, neq; cuiq; consilio-  
rum suorum rationem temere  
aperient. Quin et suspecta alio-  
rum dicta atq; facta, prudenter

C. Fabri-  
cij Cōstan-  
tia. eludent. Quod C. Fabricium se-  
cisse legimus: Is ut Pyrrhum Re-

Plutar-  
chus in seorsim blanditus, ut pecuniam  
Pyrro, à se caperet, suasisset, non ob  
aliquā turpem causam, sed ob  
amicitiæ & hospitalitatis indi-  
cium,

DE FOR. ET CON. LEGA. CAP. X.

cium, & renidente Fabricio, po-  
stridic Elephantum maximum  
post aulæam, dum colloqueren-  
tur, constitutum, subito ad ter-  
rendum ipsum, tanquam qui  
nunquā uidisset Elephantum,  
prodi iussisset, ac Elephas  
proboscidem super caput extui-  
lisset, & uocem terribilem emi-  
sisse t: tranquille conuersus, le-  
uiterq; arridens Fabricius re-  
spondit: nec heri aurum, necho  
die Bestia permouit.

¶ Idem Fabricius constan-  
tiā suā alio quoq; exemplo Eutropius  
testatus est. Cū enim Pyrrhus,  
lib. 2. Ro.  
Tarentinis aduersus Roma-  
nos auxilium tulisset, & ad ip-  
sum Legati de redimēdis capti-  
uis missi fuissent (inter quos &  
E Fabricius

D. BRYNI DE LEGA. LIB. II.

Fabricius fuit fertur Regem sic admiratum esse Fabricium, ut cum pauperem eum cognouisset, non dubitarit, quarta parte regni promissa, eum, ut ad se transiret, solicitare: Verum nec ista etiam quantumlibet maximæ spei ostētatione permotus Fabricius, à suscepso sc officio abduci passus est.

*Iustus etiā erga hostēs etiam iustus, quām Romanis fidelis fuit: quam & ipsam Fabricij constantiam comendauit Pyrrhus. Nam cum medicus Pyrrhi ad Fabricium uenisset, promittens ueneno se Pyrrhum occisurum, si sibi aliquid polliceretur: Fabricius proditorum uincium ad Regem reduc-*

DE FOR. ET CON. LEGA. CAP. X.

ci, eiç quæ Medicus in caput eius spopondisset, dici iussit: Ad quod Rex admiratus dixisse fertur. Hic est Fabricius, qui difficilius ab honestate, quā Sol à cursu suo auerti potest. Testis Eutropius.

*Alij, Fabricium eam rem ad Senatum scripsisse, & Senatum per Legatos Pyrrhum ut sibi caueret admonuisse, alijs, Consules, non Senatum, Legatos misisse, tradunt. Gellius horum omnium sententias in hunc modum narrat. Cum Pyrrhus, inquit, Rex in terra Italia esset, & unam atq; alteram pugnam prospere pugnasset, satisq; angerentur Romani, & pleraq; Italia ad Regē desciuisset; Tum*

E ij Am-

*Varietas  
historico-  
rū de Pyr  
rho et Fa  
bricio.*

Lib. 3.

*noct. att.*

c. 8.

D. ERVNI DE LEGA. LIB. III.

Ambraciensis quispiam Timo-  
chares, Regis Pyrrhi amicus,  
ad C. Fabricium Consulem fur-  
tim uenit, ac præmium petiuit,  
& si de præmio conueniret, pro-  
misit Regem uenenis necare,  
idq; facile esse factu dixit, quo-  
niam filiū sui pocula in coniuio  
Regi ministrarēt; Eam rem Fa-  
bricius ad Senatum scripsit. Se-  
natus Legatos ad Regem mi-  
sit mandauitq; ut de Timochare  
nihil proderent, sed monie-  
rent, ut Rex circumspectius age-  
ret, atq; à proximorum insidijis  
salutem tutaretur, hoc ita (uti di-  
ximus) in Valerij Antiatis hi-  
storia scriptū est. Quadrigarius  
autem in libro Tertio, non Ti-  
mocharem sed Niciam adiisse  
ad

DE FOR. ET CON. LEGA. CAP. X.

ad Consulem scripsit, neq; Le-  
gatos à Senatu missos, sed à  
Consulibus, & Regem Populo  
Ro: laudes atq; gratias scrip-  
sisse, captiuosq; omnes, quos  
tum habuerit, restituuisse & red-  
didisse.

C Consules tum fuerunt,  
C. Fabricius atq; Aemilius. Li-  
teras, quas ad Regē Pyrrhum,  
super ea causa miserunt, Cl:  
Quadrigarius scripsit fuisse hoc  
exemplo. Consules Romani sa-  
gem.

Iutē dicunt Pyrrho Regi. Nos  
pro tuis iniurijs, continuo ani-  
mo strenui commoti, inimiciter  
tecū bellare studemus: sed com-  
munis exempli & fidei ergo ui-  
sum est, uti te saluum uelimus,  
ut esset quē armis uincere pos-

E iij simus.

Tenor lis-  
terarum  
Consulum  
ad Pyr-  
rum Re-

D. BRVNI DE LEGA. LIB. II.

simus. Ad nos uenit Nicias familiaris tuus, qui sibi precium à nobis peteret, si te clam interfecisset; id nos negauimus uelle, ne ue ob eam rem quicquam commodi expectaret, & simul uisum est, ut te certiorcm faceremus, ne (si quid eiusmodi accidisset) nostro consilio ciuitates putarent factum, & quod nobis non placet precio aut præmio aut dolo pugnare.

DE

ins opinios, utrumque ex iustis & iniustis nominis etiam ratione habeantur. Nam illud uos de origine huiusmodi uocis etiam sumib[us] mundi uires. Pro istius respectu uocis in corporibus aquarum

DE CON-  
TINENTIA LEGA-  
torum. Cap. XI.



Equitur ut de Temperantia dicamus. Ea est (ut Cicero definit) rationis in libidine, atq[ue] in alios non rectos imputus animi firma & moderata dominatio.

¶ Philosophi duplēcē animorū uim esse dicunt, quarum alteram in appetitu, alteram in ratione ponunt.

¶ In appetitu affectus sunt, & horum quidam placiti & leues, quos constantias uocant. Quidam inquieti, turbulenti, & rationi contrarii, quos Poë-

Affectus  
hominū in  
appetitu.

D. BRVNI DE LEGA. LIB. II.

ta his uersibus exprimit.  
virgilius libro 6. Igneus est ollis uigor et cælestis  
Aeneidos. origo  
Seminibus, quantum non no-  
xia corpora tardant.  
Terreniç hebetant artus mo-  
ribundaç in membra.  
Hinc metuunt, cupiuntç, do-  
lent, gaudentç nec auras  
Respiciunt, clausæ tencbris &  
carcere cæco.  
Appetitus igitur, & qui in eo  
sunt affectus, hominem huc &  
illuc rapiunt. Ratio autem, quid  
faciendum fugiendumq sit, ex-  
planat. Itaq fit, ut ratio præsit,  
appetitus obtemperet. Virtus  
autem, per quā in omni actio-  
ne appetitus rationi subiicitur,  
<sup>Quid tem-  
perantia  
seu conti-  
nentia.</sup> ne uel longius siue cupiendo si-  
ue fu-

DE CONTI. LEGA. CAP. XI.

tie fugiendo, quam ratio sua-  
det, uagetur: nec propter pigri-  
tiam aut negligentiam rationem  
deserat, temperantia uocatur.  
Itaque quod Cicero, definiendo  
temperantiam, dixit, eam esse  
dominationem rationis, eō perte-  
nit, ut intelligamus, rationem  
dominam esse in regno anime.  
Et quod addit, in libidinem ali-  
osq non rectos impetus, appe-  
titum & affectus intelligit: In  
hos enim dominatur ratio.

Seruare  
modum et  
decorum in  
omnibus.  
¶ Postremo quod adiicit  
eam dominationem firmam esse  
& moderatam, certum quendam  
modum & ordinem in omni-  
bus actionibus seruandum in-  
telligit, ut nihil inconsulto, nihil  
temere, nihil fortuito ac negli-

F genter

D. BRVNI DE LEGA. LIB. II.

genter agamus, nec ad agendū  
minorem maiorem'ue curam  
& operam, quam causa postu-  
lat, suscipiamus, & ut nihil eo-  
rum, quæ ad liberalem speciem  
actionis pertinent, quòd de-  
corum appellatur, intermitta-  
mus.

**C**HABET autem hæc uirtus,  
partes subiectas duas. Conti-  
Continen= nentiam & Modestiam. Conti-  
tia.  
**C**ontinentia, cupiditates & Beluinos  
animi motus sedat, ut non deli-  
cate & molliter: sed parce, ca-  
stè, sobriè ac temperanter uiua-  
**M**odestia. mus. Modestia, ordinem, con-  
stantiam, & moderationem in  
omnibus dictis factisq; seruat:  
ut nihil temere, nihil inconsul-  
to, nihil quod non deceat, aga-  
mus;



